

靈
妙
仙
方

首
子
起



三

衆妙仙方目錄

諸毒門

諸虫門

折損門

危急門

體氣門

心氣門

疝氣門

腳氣門

痔漏門

大小便不通門

頭痛門

腰痛門

脇痛門

雜治門

產門

婦人雜病門

飲食門

衣服門

雜事門

六畜門

衆妙仙方卷之三

諸毒門

治盡毒方

五倍子

二兩

硫黃

一錢

甘草

三寸

一半生用

火炮

丁香

木香

麝香

各十分

輕粉

二分

糯米

三十粒

右八味

入小砂盆內水十分煎七分候藥面生雜

文為度生絹濾去渣通口服患人平身仰卧令頭

高閣覺腹中有衝心者三即不得動若吐出用桶

盛之有如魚鱗之類乃是惡物吐罷飲茶一盞瀉

亦無妨宜煮白朮粥補忌冷油膩醬醋十日服解

毒丸 一二兩又經旬日平復服紫金丹亦可代解

一救中蠱毒用白礬一塊嚼之覺甜不澁次嚼黑豆不腥者便是有毒也即用木梳齒上垢膩水調服之吐出惡物成丸服亦可

一方用蚕蛻擦作紙條蘸麻油燒存性為末水調一錢頻服諸中毒面青脉絕昏迷如醉口禁吐血服之即甦

一方用白鷄鴨血飲之立効此方亦可治砒毒砒毒初中用烏柏樹根白皮煎服吐去以此方飲之

或羊血亦妙如稍多時用黑鉛磨水服以瀉為度
次服此方及羊血飲之曾治數人皆活有服鉛四
兩纔得瀉者亦活無烏柏樹根處醬和泉水飲以
探吐亦効

又方 用早禾稈燒灰新汲水淋汁絹濾過冷服一
碗毒下利即安

又方 用白扁豆末新汲水調下

一覺腹中不快卽以生豆試之入口不腥如甜乃中
毒也急以升麻濃煎湯連飲一二碗以手探之吐
即愈矣若多飲鹽水吐之亦好

一 中斷腸草毒亦急以升麻等藥吐之

一 兩廣溪水不可用須帶井水隨行還須煎熟去其
上下不用止用其中間者蓋溪水有蛇毒而井水
亦不可不慎

一 凡肉食之類不可煮熟過宿過宿即有虫蟻之毒
一 解諸藥毒死心間尚煖者用防風一味搗冷水與
服

一 解巴豆毒煮黃連汁飲之

一 解附子川烏天雄毒煮大小黑豆汁飲之

一 解斑猫毒煮大小黑豆飲之

解食河豚魚毒 倉卒無藥 急以清油多灌之 吐出毒物即愈

又方 旋刺下羊血 或雞鴨血 熱服 兼解鼠莽毒及丹藥毒

又方 藍根沙糖二味相和 搗水服之 或更入薄荷汁妙

又方 以地漿調鉛粉末服之 立解

取地漿法 掘土坑二三尺深 用新汲水半桶 攪令濁 良久澄清用之 名為地漿 亦解暑毒

又方 治百毒不愈者 取鵝鳩熱血 隨多少服之

又方用胡荽根搗汁半盞不拘時服其蠱立下和酒服更妙

取藍青葉一握研水服之專解諸蠱毒殺腹內諸毒蟲如冬月無藍葉取根絞汁用之最驗

救食諸魚中毒用橘皮汁大豆汁馬鞭草汁蘆根汁紫蘇汁飲之

又方食鱧鯨蝦蟆毒生鼓一大合新汲水半碗浸令鼓水濃頓服之即瘥此三物令人小便秘臍下痛有至死者

又方食蠚中毒濃煮紫蘇水飲一兩盞解之

救食六畜肉中毒以水服壁上黃土一錢即瘥

又方食牛肉中毒以豬牙燒灰為末水服一錢又只飲井水一碗自消

又方食馬肉中毒搗蘆根汁飲一盞薰作湯浴之即解

又方食狗肉中毒用杏仁三兩和皮研細以熱湯三盞拌和勻分溫三服其狗肉皆全片出即瘥

又方食豬肉中毒以燒猪糞為末水調服一錢不過三服瘥

又方食鴨肉中毒以糯米泔溫服二盞效

救食一切葷毒掘地坑新汲井水在內攪之連飲泥

水一碗

又方食菜中毒用雞糞燒為末水調服一錢未解服更

救中諸藥草毒用菘豆粉水調服

又方中諸藥毒用甘草黑豆淡竹葉等分剉散水一

碗濃煎服

又方解鼠莽毒用枯明礬同極好茶末少許新汲水

調服累有效驗

又方用大黑豆煮汁服之

又方解百藥毒用出了蠶子紙燒灰研細每服一錢

冷水調下頻服取瘥雖面青脉絕腹脹吐血服之立効亦治牛馬食花蜘蛛腹脹欲死者

又方治丹毒用竈中對鍋底土水調服

諸虫門

棟樹根湯 治虫

棟樹根

去心取皮一兩洗淨用東南者向西北浸
露根者殺人勿用

右剉一貼水一碗入沙糖少許煎至半碗服之

又方二陳湯加棟樹根煎服亦妙

一救虎傷用生姜汁服煎洗傷處白礬末傅瘡上

一救毒蛇傷并諸色惡虫毒氣入腹者用蒼耳草嫩

葉搗汁灌之將渣厚罨傷處犬咬煮汁服之

一救蛇咬傷用白礬置刀上燒汁熱滴咬處亦以礬湯服之

一治風犬傷用斑猫九箇

人大者用九箇小者五箇或六七箇俱去頭翅足

糯米同炒米黃為度其糯米因人年歲加減一歲用一粒炒畢去米用猫加麝香三厘同為末一方加滑石末少許以無灰酒一盃空心服小便中去血塊為驗不去血塊再服前藥愈後用木通利水散藥中下熱藥務要加解心火藥為佳如木通車前子黃連燈心之類是也仍忌房事一年

一治常犬傷用蚯蚓泥和鹽研傅之亦治狂犬傷及
毒蛇傷

又方以沙糖塗之

又方急於無風處啣去瘡孔血小便洗淨用熟牛糞
傅或鼠屎為末和豬脂傅或韭菜和石灰搗成餅
子陰乾為末和豬脂傅更以韭菜生姜搗汁服之
一治馬咬及踏傷用艾炙瘡上并腫處又用婦人月
經或人屎或馬屎或鼠屎燒為末和豬脂傅之皆
効

一治鼠咬用猫毛燒灰麝香少許津唾調傅

治蜂蠆毒用野苧葉擦之如不便急以手就頭爬
垢膩傳之或用鹽擦或用人尿洗之或桑樹汁傳
治蝎螫白礬半夏等分為末好醋調貼痛止毒出
治蜘蛛傷遍身成瘡用青蔥葉一莖小頭作一孔
盛蚯蚓一條捏兩頭不令透氣搖動化為水點傷
處

治八脚虫傷其虫隱於壁間以尿射人遍身生瘡
狀如湯火傷用烏鷄翎燒灰鷄子白調傳

治諸惡虫傷用蛇殼煮湯洗三兩度或以膩粉生姜

汁調傳傷處

又方端午日取白礬一塊自早日晒至晚收之九百
虫所傷以此末付効

又方蜘蛛咬遍身生絲用羊乳一味飲之極妙或用
鹽和付上頰頰指之

治壁虱用死蜈蚣水萍草晒乾燒烟熏衣被則除後
以青鹽水遍洒席上即絕

治壁鏡咬毒人必死燒桑柴灰用水煎三四沸濾汁
調白礬末付瘡上蒸治蛇毒醋磨雄黃塗之妙

又方用生甘草煎湯洗之或嚼梨葉付之或搗其汁
塗之或嚼火麻子付之妙

又方治蛇傷毒用貝母為末酒調令患者盡量飲之
須臾酒自傷處為水流出候水盡却以粗付瘡上
若所傷至垂死者但有少氣服此即活

又方用灰蓼搗汁飲之粗付傷處仍以頭髮縛兩頭
又方惡蛇咬傷傾仆不可療者香白芷為末麥門冬
去心濃煎湯調下頃刻咬處出黃水盡腫消皮合
仍用此藥粗塗傷處

又方水萍搗絞汁服

蛇咬傷毒急取蝮螭搗爛罨之
處極妙仍將絹片輕
輕包定効

治風犬傷急於無風處啣去瘡口血或是乾孔則針
刺去血小便洗令淨用半瓣胡桃殼以人糞填滿
罌瘡孔艾炙一百壯後一日炙一壯百日止急服
者用蝦蟆乾一箇斑猫二十一箇去頭翅足用糯
米炒黃只用斑猫與蝦蟆為末酒調或水調服之
分四服以小便瀉下惡物為度未見惡物量輕重
再服常服者用韭菜汁一盞常敷者用虎骨末和
石灰臘豬脂調付之禁飲酒食雞魚豬肉肥膩終
身忌食犬肉蚕蛹春夏物交多發狂被咬者無出
干灸七日當一發三七日不發可全免如見痛定

瘡合便以為好不治者必死犬狂者其尾必直下
不蹠送口流涎舌黑色

又方 用蝮蟻後兩腿搗爛醋調服先于患人頭頂
上拔去血髮三兩根小便內見沫似狗形

又方 用紫蘇葉細嚼敷患處即不痛

定風散治顛狗咬破先口啣漿水洗净用綿搵乾貼
藥更不再發無濃有效

天南星 防風 各等分

右為末破傷處以藥敷貼瘡口然後以溫水調下
一錢如牙關緊急角弓反張用藥二錢童子小便

調下

又方杏仁研細先以葱湯洗然後以此塗傷處

又方用草麻子五十粒去殼井水研成膏先以鹽水洗咬處次以此藥敷貼

治豬咬用屋雷中泥塗之即今之承溜也

治猫咬用薄荷汁塗之

治頭虱將茶葉炮爛者爵碎和水銀研爛到晚擦頭髮內用布裹頭而睡一二夜除根

治下身陰虱用生白果研爛擦之愈又治陰癬

治蛇虫咬傷用篇豆葉搗爛敷之即効

治土虺蛇傷又名禿虺蛇用半邊蓮搗汁飲之將相

敷患處愈其蓮生在水中只有半邊花者

治寸白虫

每月頭二三虫頭向上可用藥攻打餘

檳榔

石榴根

東引者

用檳榔為末取石榴根煎湯服之炙肥豬肉一大塊置口中咀嚼其津膏而勿食覺胸中如萬箭攻攢是其候也然後飲前藥

治臭虫用膽礬燉湯將床上有縫眼處澆灌即淨

治久嫩癆虫用老鼠刺根一斤水十碗好酒三碗將根搗爛碎在內煮至根爛以夏布濾去渣慢火熬

至三碗每空心服一茶鍾或二三盞加酒或白滾湯下大便即有細小虫下是其驗也便後覺餓思食以飯與肉啖之再依此法服三日完用人參大補湯補之

治誤吞蜈蚣 盛夏夜間患渴取厨灶下涼水飲之或瓢中先有蜈蚣在內連水吞入腹中無不死者即取生鷄蜃打開一孔連青黃灌入蜈蚣一得鷄蜃鑽入其中為鷄蜃裹住不能動一吐立愈

治狂犬咬就傷處炙之一日二次至百二十日止咬後便討韭菜煮食之日日食為良

折損門

治跌撲損傷

乳香一分 五倍子一分 狗骨一分 小麥麩五分 鍋末五分

右為末用好酒調如糝糊用熱敷痛處不可敷在破處傷重者再加天靈蓋少許煨過極妙爛者只用鳳尾草一味搗敷患處或以此草煎湯洗亦可
鳳尾草在池邊井邊尋討

七味定痛散

白朮二錢 當歸二錢 乳香一錢 甘草一錢 白芷一錢

羌活八分 人參一錢 沒藥一錢

右為細末以水調成膏子每服用無灰冷酒調服
一錢隨以熱酒儘量飲最治傷損

治跌打及刀斧傷破流血不止

何首烏一味研末搽傷處血止

接骨丹 曾有斷喉者以此二方治之即愈即陳年瘡

上之穢者 自然銅 大雷石打碎各一兩

右將三味用好醋煉九次為度須用猛火再加後

藥 貓頭骨醋多九次 鳳凰即鷄子殼 燒乳

香二錢 沒藥三錢 血竭一錢 右為細末每服二

錢酒送下

接骨方

用小鷄一隻重二兩以下者將手閉死勿令出血
毛將刀切細加風化灰二錢研細搗成膏用油紙
包圍貼患處絲綿裹之服接骨丹三錢

接筋斷并指斷

千年潤細根 旱蓮草

右搗細用箬葉包定將絲綿裹之日週去之

治刀斧傷止血定痛生肌一上即愈

晚蚕蛾 白芷 當歸頭 陳年石灰

各等方為末傳傷處即愈

治箭傷

以婦人月經或經布塗傷處愈

治打碎頭骨蓋

用虎脂一兩將好酒淬服以汗為度 患處青者

不治

治破傷風散

蒼朮火燒

草烏

右為末溫酒服之汗出為度

又方 燒魚膠存性研末調熱酒服之愈

又方 狐狸二目不拘三五七付晾乾收貯凡有破

傷風者將二目炭火微燒存性搗爛無灰酒調下

立効

收口藥

小皂子樹

三根

根乾不見

龍骨

二錢

酒燉

血竭

一錢

鳳凰蛻

松香

一錢

馬尾渤

一錢

沒藥

葛苧

各一錢

右同研

極細末

用糝瘡口

治打傷血不止

竹節草

即馬蘭

旱蓮草

松香

若上多過

皂子葉

冬用皮皂子葉即柞子葉

右四味搗細務將藥入刀口內不入刀口不効

又方

用葱艾搗敷患處即止或加松香

當歸導滯散

治落馬墜車打撲傷瘀血大便不通

浮腫痛昏悶畜血壅欲死

大黃一兩

當歸二錢半麝香少許

右為末每服三錢熱酒下

鷄鳴散

治從高墜下及木石壓傷瘀血凝積痛不

可忍並以此藥推陳致新

大黃

酒蒸

一兩

桃仁

七粒

去尖

去皮

當歸尾

五錢

右為末酒一碗煎去粗五更鷄鳴時服取下惡血即愈若氣絕不能言急以小便灌之即甦

杖棍瘡

一杖畢飲童便和酒免血攻心用熱豆

腐鋪在杖紫去處其氣如蒸其腐即紫復以熱豆
腐鋪之以紫肉散盡淡紅為度

治刀傷及湯火傷用寒水石為末敷之止痛最速且
免破傷之患

治湯火傷用醃菜葉貼之甚者將手足浸在醃菜汁
中或浸鹽滷中俱愈

又方收臘雪藏在瓶內封口至端午日將黃瓜入瓶
浸之封好過湯火時取水抹最効搽痂子尤妙
治箭傷并針折在肉中不能出用象牙屑以水和之
敷上即出

治刀箭及跌傷用血見愁草即野紅燈籠花又用石
榴嫩枝并陳石灰韭菜搗成餅敷患處妙

金刀傷桑皮中白汁塗之燥痛須臾血止更剥白皮
裹之令汁得入瘡中良

治骨跌損脫者搗生蟹極爛用滾熱酒傾入連飲數
碗即以蟹粗塗患處半日間骨內瑟瑟有聲自合
不能飲者以數杯為率 螵脚中髓殼中黃熬為
末內金鎗中能續斷筋

治人被跌撲者將蘇木二三錢搥碎用紅花當歸稍
各等分將酒四五碗煎至二三碗空心及肚饑時

服下散其瘀血即無後患跌重者須服二三次但蘇木之刺誤飲入喉間最難得出須要用細絹濾得蘇木刺淨熱飲為妙

治篾片指爪等傷出血用壁喜窠或門隔上灰塵掩上即愈

治凡物刺肉腫痛用松脂為末摻上將布來縛之其腫即消

凡人遇棒瘡傷最忌婦人看見亦忌與女人相近其氣愈者復發未愈者難愈

凡人遇 廷杖之先將蚺蛇胆用酒磨溫服如急用

即切片口嚼以溫酒下之若無酒用童便或自己小便亦可杖後亦可用此瘡最忌與婦女相見相近又收藏蛇胆將糯拾數粒拌了藏之即不壞

治跌撲墜馬傷骨損筋蒺荊一味炒黃色研為細末酒調三錢熱服痛即止骨接筋續腫消

治磕破并刀傷出血用柳絮卷上血即止不復疼矣
治手足傷破輕粉白礬海漂蛸各五分龍骨冰片各二分研細末摻其上立愈

治遠行脚心腫痛用蚯蚓泥付腫處高閉起脚一夕即愈

治手指甲頭腫用烏梅槌碎去核肉只取仁研末米醋調入漬之自愈

治杖瘡用馬齒莧熬塗効

又方 用真菘豆粉炒為末鷄子清調付重者服熟尿一碗

又方 用五倍子去穰米醋浸一日慢火炒黃為末乾糝如不破腫者以醋調付

又方 用雄黃二分無名異二分細研水付極効

又方 用米粉一兩赤石脂一錢生用水銀一分以麻油杵成膏攤傘紙上貼之緊縛如肉陷者用此

膏填滿然後貼上効

治刀傷血出不止用門扇後塵付之効

又方 用沸草根搗汁塗筋封之可相續矣

治刀箭傷以乾桑葉為末貼之妙

又方 用黃丹白滑石研細付之

治刀斧傷并惡瘡見血用石灰不以多少韭菜汁調

陰乾為末付上擦少時血止便安

又方 用晚蚕沙生用為末摻勻綿裹之隨手瘡愈

血止効

又方 五月五日採馬鞭草血見愁

即草

搗爛同風

石灰為末塗之即愈

又方 用琥珀屑付之止血生肌瘡口即合

又方 用白芍藥一兩炒黃為末酒調二錢服或米

飲調亦止痛

治刀斧傷并一切破傷用綿花燒灰貼之極妙

又方 用白龍骨三錢火煨白礬二兩半生半寒水

石五錢火煨五倍子二兩半生半共為細末糝之

一切破傷應手取効不生諸風極驗

又方 治打撲傷損血聚皮不破用蘿蔔葉研細

傷處以帛扎之

治打撲有痕傷瘀血源注用半夏為末調付傷處一宿不見痕効

治癩撲有傷口嚼燈心罨之血即止或用冬青葉曬乾為末糝傷處或細罨付上或用姜汁和酒等分拌生麵貼之或以桑根白皮搗汁擦之或用鹽霜梅槌碎罨瘡口免破傷風

玉蟾丹接骨止痛神効用活蝦蟆一箇無則乾者亦得用瓦貳片將蝦蟆放其中二片仰覆合之以鐵絲縛定四面鹽泥固濟用文武火煨三時辰取出入乳香沒藥各五方同研細末用熱酒調下如無

乳香沒藥亦得服之最効

治湯盪火燒用多年廟上獸頭為末香油調付上効
又方 用螺螄殼多年乾白者火煨過為末如瘡破
用乾糝如不破用清油調付

又方 用梔子濃調鷄子清以鷲毛輕付上

又方 用生栢葉湯爛付或用乾桑葉為末乾者藥

調付濕者乾糝或用鹽糝以手按之或以豆醬藥

治向火多生火斑瘡有汁用黃栢薄荷葉為末糝之
治誤吞金銀或銅錢入腹用石灰一杏核大碗黃

皂子大同研末酒調服

又方 用肥豬臙與葵菜作羹服食數頓則銅錢自
然下

又方 誤吞銅錢用桑柴灰細研米飲調下二錢或
用菜豆粉冷水調下三錢或生茨菰取汁呷或濃
煎艾湯飲或多服錫糖立効

治針刺折在肉中用瓜姜根搗爛付上一日換三次
自出

又方 用車脂放紙上如錢許貼上一日一換五六
次其針自出車脂即車軸上油膩也

又方 用蟻娘七枚活搗爛成餅付上以絹帛縛定

一 夜針即出此方神効

治竹木簽刺入肉用牛膠草根嚼盡之即出

治箭鏃中傷不出用活螻蛄即土狗虫研汁滴上三

五度箭頭自出

又方 用大雄鼠一枚去皮取精肉切薄批焙乾為

末每服二錢熱酒下若覺箭瘡痒不得抓忍痒少

時箭頭自出

又方 以寒食錫灌注傷處應手清涼其箭拔鏃突

出此方善療飛矢中目極効

危急門

又方 用天花粉壯人九錢瘦人七錢煎好生酒熱服被蓋出汗覺小肚內有塊響滾下

又方 用橘核晒乾去厚薄殼兩層研細每服五錢用老酒一二盞砂鍋中煮三五沸空心服再用熟

酒一二盞確盛餘藥服盡一切下部諸疾皆療

又方 試有神効 取杉樹子一歲一粒燒研灰用

好酒下粒少者一二次服粒多者數次服立愈

又方 用雙蒂茄子懸於房門上出入用眼視之茄淹所患亦淹茄乾亦乾矣

一方 令絲瓜架上初結者直待枯滿架盡葉落方

取下燒灰存性為末煉蜜調成膏每晚好酒調一匙下如左則左睡在右則右睡

蒼六散

治下元虛損偏墜腎莖疼痛

好茅山蒼朮六斤一斤老米泔水浸二日夜一斤酒浸三日夜切片曬乾一斤斗子青鹽半斤炒黃色去鹽不用一斤小茴香四兩炒黃色去茴香不用一斤大茴香四兩炒黃黑色去茴香不用一斤桑葢子二斤取汁製過曬乾

右共為末空心每服三錢酒下

又方

治小腸疝氣小便難者用雞子一枚敲碎取

雷鳴

煇硝五錢

硫黃二兩

右研如粉作三服每服用好舊酒一大盞煎覺煇
硝起傾於盞內蓋着服如人行五里又一服不過
三服即醒兼灸百會穴四十九壯臍下氣海卅田
三百壯身溫止

又方 用附子七錢重炮熟去皮臍為末分作服用
酒三盞煎一盞服

又方 用生姜自然汁半盞酒一盞同煎令百沸併
灌二服仍照前灸

中惡鬼氣 其証暮夜或登廁或出郊野或遊冷

室或行人所不至之地忽然眼見鬼物鼻口吸着
惡鬼氣驀然倒地四肢逆冷兩手握拳鼻口出清
血性命遂巡湏臾不救此証與尸厥同但腹不鳴
心腹俱暖凡中惡驀然倒地切勿移動其屍即令
親戚衆人圍繞打鼓燒火或燒麝香安息香蘇合
香樟木之類直候醒記人事方可移歸

鬼魘鬼打

其証初到客舍館驛及無人居冷房睡中覺鬼物
魘打但其人吃吃作聲便令人叫喚如不醒此乃
鬼魘也不救即死

牛黃一錢 雄黃一錢 硃砂半錢

右研為末和勻每挑一錢床下燒次挑一錢調酒灌之

又方 用槐柳枝東邊者各折七寸煎湯灌下

又方 用竈心土搥碎末服二錢并水調灌更挑半

指甲許吹入鼻中更用艾灸人中穴并灸兩腳大

拇指內離甲一菲葉各灸七壯

救五絕死自縊死 溺水死 打撲跌 磕木石 壓死 產後

允心頭溫者皆可救治用半夏湯泡七次為末丸

如豆大吹入鼻中噴嚏即活或用皂莢為末吹入

鼻中亦妙

又方 用葱黃心或韭黃男左女右刺入鼻中深四五寸令目中出血即活

救自縊死須安定心神抱起緩緩解下用膝頭或手厚裹衣抵定糞門切勿割斷繩抱下安被卧之刺雞冠血滴入口中男雄女一人以脚踏其兩肩以

手少挽其頂髮常常緊勿放之一人以手揉其項擦正喉龍按據胸上數數動之一人坐于脚後用脚裹衣抵住糞門勿令泄氣泄氣即死仍摩將臂腿屈伸之若已彊漸漸強屈之并按其腹雖氣從

口出呼吸眼開猶引按莫置亦勿苦勞之用蘆管
四筒取梁上塵如豆大入管中却將蘆管置死人
兩耳鼻用四人各執一筒用力吹入耳鼻待其氣
轉但心下溫無不活者頰以薑湯及粥飲含與之
潤其喉嚨

救溺水死一宿者尚活用皂莢為末綿裹塞糞門須
臾出水即活

又方 救起放大瓮卧着脚後瓮佔起磚一塊却用
鹽擦鼻中待水自流出切不可倒提出水但心下
溫者皆可救

又方 用竈中熱灰土石許將溺者埋于其中從頭至足水出七孔卽活

又方 以屈死人兩脚着生人肩以上以死人背貼生人澹走吐水卽活

又方 用酒瓶一箇以紙錢一把燒放瓶中急以瓶口覆溺水人口面上或臍上冷則再燒紙錢于瓶內仍覆口面臍上去水卽活前數方皆効柰人不能曉多以為氣絕而不與救療惜哉從其便而用之可也

救木石壓死并跌磕傷從高墜下跌死氣絕不能言

者取藥不便急擘開口以熱小便灌之

又方 撲打墜損惡血攻心悶亂疼痛用乾荷葉五斤燒令烟盡空腹以童便溫一盞調下三錢日進三服

救中惡鬼擊客忤等一切卒死用菖蒲根生搗絞汁灌鼻中或口中即活

又方 治客忤卒死還魂湯用麻黃三兩去節杏仁七十箇去皮尖甘草一兩以水二碗煎至碗去粗灌之通治諸卒死

治鬼擊病卒著人如刀刺胸腹內痛不可按熱艾水

煮服若卒心痛為客氣所中者當吐出虫物

又方 卒死脉動而無氣用菖蒲屑內耳鼻孔中吹之及着舌底

又方 小兒卒死吐利而不知何病用狗屎一丸絞取汁灌之無濕者水煮乾者取汁

又方 用葱白納下部及鼻中立活

治胸脇腹內絞急切痛如鬼擊之狀不可按摩或吐血衄血用熟艾如拳大水五盞煮三盞頻服

又方 舊汗衫須用內衣久遭汗者佳男用女衣女用男衣燒灰為末每服二錢百沸湯調下

救夜睡魘死者不得近前叫喚但咬痛其脚跟及足
姆指甲際多唾其面不省者移動些少卧處徐徐
喚之原有燈則存無燈則不可點照
又方用皂莢為末吹入鼻中

體氣門

治體氣

田螺

大者一箇

巴豆

去殼

膽礬

一豆許

麝香

少許

右將螺用水養三日去泥土揭起螺靨入礬豆麝
在螺內以線拴住放磁器內次日化成水凡用須
五更時將藥水以手自抹在兩腋下不住手抹藥

直待腹內欲行臟腑却住手先要揀深遠無人到
處空地內去大便黑糞極臭是其驗也以厚土蓋
之不可令人知之如不盡再以藥水抹之又去大
便次日用後藥擦之永去病根枯白礬一兩蛤粉
半兩樟腦一錢

右為細末研勻每用少許擦之

又方 阿魏 蛤粉

各等分為細末搽納肌窩內自愈

又方 香白芷 一兩 乾姜 一兩

共為細末用熟黃酒生葱一大鍾送下汗出為度

又方 用自唾以手指擦脇下數遍以指甲去其垢

隨用熱水洗手數遍十餘日全愈

治腋氣一名狐臭又名猪狗臭用密陀僧為末以帶皮生姜擦濕臭處頻頻塗之其臭自除如暑天汗出時塗更好

治體氣每清晨用自便洗兩腋愈

心氣門

香砂七氣湯 治心腹疼痛

陳皮 青皮 厚朴 半夏 三稜 蓬朮

錢各半

香附子 二錢 砂仁 一錢 甘草 五分 木香 五分 檳榔

一錢 右用水一鍾半姜三片煎至八分溫服

又方 治心氣疼及胃腕諸痛

肥梔子 十枚去殼姜汁浸炒如脾勝大連殼用

撫芎 一錢 香附 童便製一錢

右用水煎三滾滴三茶匙姜汁入內再煎一滾百
草霜細研二茶匙調和服之立効

又方 用生明礬末一錢川椒末二分白滾湯調下

忌魚腥蕎麥麵

又方

白礬

煉二錢

石榴皮 二錢

如無石榴皮白礬一

味亦可其礬不可煉用酒一碗煎下立効

又方 乳香 沒藥 各等分

右二味為丸每服一九凉水送下

又方 名失咲散 治心氣痛不可忍及小腸氣痛

蒲黃 炒 五靈脂 酒炒淘去沙各等分

右先以醋調二錢煎成膏入水一盞煎食前服

又方 烏梅 核一箇去 杏仁 七箇去 紅棗 二箇去核

右搗作一服男用好酒女用神醋不拘時服

治冷心氣疼 乳香 三分火煉 明礬 一錢火煉過

右為末好酒送下

治心脇痛如錐刺者用陳皮二錢枳殼二錢甘草 三錢

共為末以槐條煎湯服之愈

治心急痛將烏梅一箇黑棗三箇俱去核杏仁七個
去皮尖同搗爛加些麝香在內煎酒服再不發惟
有孕之婦切不可服

又方 荔枝核熯火燒存性為末酒調服

又方 用槐條一把水二碗煎七八滾溫服即効

治男婦心痛口噤牙閉欲死者用隔年老葱根白五
七根搗爛取汁將病人之口幹開用銅茶匙挑汁
入口中以香油送汁入喉其人即甦少停其腹中
虫積盡化為黃水從大小便中出立効若葱乾無

汁畧加水在內取汁

治急心痛用竈中心對鍋底紅土為末用方寸匕熱
疼滾湯下冷痛酒下立効

治心氣痛不問年月久近用史君子七枚連殼畧搗
放瓦上焙乾篩極細末以雞蜆一箇打開將清黃
同前藥播攪成漿隨用真正黑沙糖三錢研服之
立愈或以雞蜆難生食將蜆殼熬湯下之妙甚妙
甚此方驗一次

治心頭痛即氣痛用楨榔為末以白沙糖等分以無
根水送下男用平楨榔女用高的平者陰高者陽

治 用生地黄一味取汁搜麩作飢飪或作冷淘
隨人所食多少但忌用鹽能療一切心痛無問久
新服之良久當利即愈

又方

治卒心痛用橘皮去白炙少許煎飲之

又方

沿苦熱飲冰水及冷水過多心癩疼痛久不愈者
用漢椒二十粒浸於漿水盆中一宿漉出還以水
吞之其病即愈更不復作

又方

治蛔虫日夜咬人腹內痛不可忍者用苦楝

樹白皮二斤去蘆皮切碎用水一斗煎至三升去滓於沙鍋內慢火熬成膏每日於五更初用溫酒調半匙以虫下為度

又方 治三虫搗桃葉絞取汁空心服一盞

新增 用鹽煮馬齒莧一碗入醋半盞空心食之少時虫下

又方 治九種心痛用桂心二錢或三錢為末以酒一大盞煎至半盞乘熱服之立効

疝氣門

治偏氣方 青皮 炒黃色 小茴香 炒黃

右為末空心酒調服

梅核氣方

鉄脚沉香

狗頭木香

火酒炒

浸過

雀腦芎

廣陳

皮去白鉄甲

將軍

即蟻螂

右各等分為

細末每服一錢

火酒調下

噙滾水

口

治疔氣方

柑

橘核

六兩炒熟不要焦

去殼淨肉四兩

荔枝核

新

剥

出者灰火煨

存性二兩

焦小茴香

色去不可焦

一兩

沙土轉

山查

蒸熟去核晒

右除橘核為末以其有油不可同磨

另碾為末和

勻每服空心酒下二錢忌魚豆粉麪

芋頭柑橘此

疾一方不能取効須服三四料除根

中風不語痰厥

其証卒然暈倒不省人事不能語言

惺鬆飲

治中風急以真正蘇合香丸調汁灌醒

後用

白朮

天麻

當歸

川芎

薄荷

桂枝

南

星

陳皮

右吹咀各等分用水一鍾半煎至

七分臨服加竹瀝一酒盞調勻同服之

又方 一時緊急藥未便速用香油一盞灌入喉中

仍用鷲毛探吐痰涎立出神効

又方 名竹瀝飲用淡竹或苦竹或青水竹去枝葉

截作一尺餘長劈作二片每用不拘多少或五六
十片以新汲井水浸一宿如用急只浸一二時却
以磚二片側立閣竹於磚內以熱火烘竹青熱磚
外以碗盛竹流下清水以瓦瓶收貯外以冷水浸
瓶收用或沉井底亦好每用半鍾與病者服之或
入煎藥內服亦可

又方 用肥皂角一箇豬油搽七次火上焙七次先
搽後焙畢碾為末好酒一盞灌下去痧為愈

尸厥

其証奄然死去四肢逆冷不省人事腹中氣出如

黃以溫水調服之不過三服

又方 用茴香一斤外以老生姜二斤取自然汁浸
茴香一夜約姜汁盡入茴香內以好青鹽二兩同
炒赤取出焙燥研羅為末無灰酒煮糊為丸如桐
子大每日空心食前服三十丸或五十九丸溫酒米
飲任下此藥治疝氣累有效

又方 治男子陰腫核大如升人不能治者以馬鞭
草搗爛塗之

治婦人陰腫堅硬用小狗橘切碎炒熟舊絹作囊盛
熨冷即易之

治小腸疝氣痛用香附子炒去毛茴香鹽炒

各等分為細末每服三錢空心熱酒調下立愈

治偏墜不時舉發冷痛用布為袋入艾與綿在內將
來包裹陰囊切勿使之着冷其病自不發倘夏月
有汗頻換可也若用蘄艾尤妙

腳氣門

治腳氣方

麻黃

三兩炒

姜蚕

三兩炒

乳香

沒藥

各五錢

右共研為末丁香一錢為末每服一兩好酒調下
取醉及汗出至腳為度蓋俟汁乾即愈後用五枝

湯洗桃枝柳枝梅枝桑枝槐枝同煎湯洗脚住痛
先飲好酒三杯有效

治脚上火卽方

用大黃磨水頻頻刷上

治一切寒濕脚氣方 用牛皮膠一塊以刀細切入
鍋內同麩麵炒成珠研細末每服用酒下一錢其
痛卽止

又方 治遠年近日風痒脚瘡流黃水者 用黃栢

去皮不拘多少用豬膽取汁塗擦晒乾數次酥透
栢皮方研為極細末先用花椒煎湯洗過拭乾後

以藥末糝之二三次卽愈

治脚指縫瘡 搗鷓鴣時取鷓鴣掌黃皮焙乾燒灰存性

為末濕則糝之

治脚指縫爛瘡及因暑手爪兩脚爛瘡 用細茶口

嚼爛敷之立愈

治手足皸裂 瀝青二兩黃蠟一兩 用火熬攪勻

瓦礫盛貯先以熱湯洗令皮軟拭乾將藥於慢火

上畧多擦傳

治手足皸裂春夏不愈者 生姜汁 紅糟 鹽

猪膏麻月者佳 石研爛炒熟擦入皸內一時雖

痛少頃皮皴皴合再擦即安

治脚轉筋 急將大蒜磨脚心令徧熱即差

治腰脚軟用蚕沙炒熱熨之

治脚氣用杉木或節茺汁浸脚甚妙

又方治脚氣疼痛槐柳楮桑桃五件枝煎湯洗脚能

消腫住痛先飲酒三盃

又方 用水紅花煮汁浸之

又方 治脚氣每夜用鹽塗擦腿膝至足甲淹少時

却用熱湯泡洗昔有一人脚氣諸方不効後得此

方常用淹洗不再發

又方 治脚氣攻注用水中大螺一箇以鹽半匕和
殼生搗碎置於患人臍下一寸三分用寬綿繫之
仍辦溺器以待其通此遇異人傳授仙方神驗又
曾有人苦脚氣攻注或教搥數螺付兩股上便覺
冷氣趁下至足既而亦安

又方 治脚氣并脚汗用蘿蔔煎湯洗之或晒乾為
末鋪鞵內或用楊花如綿絮鋪在鞵內尤佳

治脚氣并轉筋腹脹者用吳茱萸二兩木瓜一大箇
切碎用水二碗煎至一碗去滓溫服如人行千里
仍進一服或吐汗利即瘥外用獨頭蒜一枚口嚼

爛入盥一撮輕擦於患處一時許愈

痔漏門

治痔漏下血或肛門紅腫亦可消

地榆洗淨晒乾切片微炒半生血餘即小兒新胎髮用肥皂洗

十數次務要洗淨去盡油污方入爛菜務要洗淨

用炭火燒灰以五錢

右三味稱明白和勻每早服三錢空心酒下或未

飲亦可藥完極効

敗毒散 川山甲剉碎炒 白芷五錢炒半生半熟

大黃五錢半生半煨若實 右三味俱為淨末

和勻每服三錢用金華酒調下重者隨立効散但
覺腹中作痛則濃後大便中出矣

治痔瘡痛不可忍

黃連

槐花

薄荷

魚腥草各一兩

右為細末每服一二匙食前白酒調下即止

又方 用好冰片一二分研細末打葱汁調勻飯鍋
內頓化塞之即止

經驗膽槐丹

十月上巳日取槐角子揀肥嫩結

實者用新黃瓦盆二箇如法固濟埋於背陰墻下
約二三尺深預先尋取黑牛膽五六箇臘月八日

取出槐子裝入膽內高懸陰乾至次年清明日取出入好磁瓶內盛放每日空心滾白湯吞服初一日一粒二日二粒三日三粒加至十五日十五粒以後日減一粒周而復始不問遠年近日痔瘡並皆服之其効如神亦能補虛

又方

治痔漏卧床策杖方能移步者 旱蓮草一小把

連鬚水洗淨用粗碗搗極爛如泥極熱酒一盞衝入飲之剩渣再搗爛敷患處重者不過三服即愈

又方 五倍子皮硝煎數十沸取去渣乘熱盛木盆

中四圍板蓋留中一孔薰蒸良久用手掬洗至湯冷乃住甚効

又方 治痔漏用蟻娘不以多少焙乾為末先用白礬水洗貼之

又方 用槐花炒枳殼去穰各一兩為末用醋糊為丸如桐子大每服二十九丸米飲湯空心食前下

又方 熏洗藥用鳳眼草赤皮葱根二味搗粗用槩水滾過坐盆內令熱氣薰痔但通手洗之如此不過三次愈矣

又方 治五痔用桑耳二兩搗為末食前粥飲調下

二錢効

又方 肛門邊腫硬痒痛不可忍以白礬三分碎研

用熱童便二盞化開洗痔上一日二三次洗之

又方 用桃樹根煮汁一日二三次洗之或用鹽湯

又方 用枳殼燒烟熏枳殼煎洗枳殼為末米飲調

服甚効

治外痔用淡竹葉搗汁搜麩作餅飪煮熟空心喫効

又方 治脫肛門用槿樹葉煎湯熏洗後以生五倍

子白礬等分為末付上

治痔漏瘡 槐角二兩熟地二兩黃芩一兩黃芪兩

黃連一兩 秦艽一兩 枳殼一兩 當歸一兩 防風一兩

淨升麻一兩 連翹一兩 地榆一兩 阿膠五錢 白芷

五錢 川芎五錢

共為細末酒和為丸如桐子大每服五十九空心
無灰酒下忌鷄魚燒酒

大小便不通門

治大小便不通方 用蜂蜜一酒盞入皮硝二錢

滾湯一茶鍾空心調下

又方 用皂莢燒研末粥飲下三錢

又方 治大腸有風大便秘結 皂角去子炙枳殼

去穢麩 右等方為末蜜丸梧桐子大空心米飲下
七十九

又方 治大腸虛秘而熱 白芍藥一兩半

生地黃 歸身各一兩 條芩 甘草二錢

右為末糊丸白湯下七八十丸

又方 潤血燥大便不通 麻子仁 當歸 桃仁

生地黃 枳殼各一兩

右為末煉蜜丸如梧桐子大每服五十九空心白

湯下

又方 名五仁丸 治津液枯竭大腸秘澁 栝子

仁 半兩

桃仁

杏仁

炒去皮尖

陳皮

四兩另末

松子

仁 一錢二

郁李仁

炒二錢

右五仁別研為膏入陳皮末研勻煉蜜丸如梧桐

子大每服五十丸空心來飲下

又方 治老人氣秘大腑不便

紫蘇子

麻子仁

各等方研爛水濾取汁煮粥食之

泝水不通方

葵子

茯苓去皮各等分

右咬咀每服四錢水二鍾煎至一鍾去渣食前服

又方

生車前草搗取自然汁半鍾大蜜一匙調下

又方 棕樹皮毛燒灰存性以薄酒調下即通利

累試甚驗

治腹脹小便不通用荻萋仁不以多少為末每服三錢溫酒調下不飲酒以米湯調服以通為度

又方 用鹽填滿臍中以艾炙鹽上又以烏梅肉為末水調二錢服或以麻皮一握細切入甘草少許同煎服

又方 治小便難小腹脹不急治殺人用葱白三斤細切炒熱以布裹分作兩處更替熨臍下即通

又方 用豬膽投熱酒中服立通

新增小便不通每用五苓散內加車前子木通滑石

瞿麥穗連進二服効

又方 用琥珀屑為末二錢空心葱白湯調下不遺

三服愈

新增小便不通用真陳皮一兩不去白酒煮焙乾為末每服三錢溫酒調下

治大便不通用豬脂二兩水一碗煮三沸飲汁立通

又方 用豬膽一個入好醋少許扎鷲毛管土灌入糞門効

又方 用蘿蔔子一合研碎冷水調皂莢灰二三錢

新增蘇麻粥治虛弱老人大便秘結紫蘇子麻子仁
無則芝麻代之右等分不拘多少研爛煮粥食之
治小兒大小便不通腹脹如鼓者治方用葱白連根
一大個勿洗艾心三箇羊屎七粒竈心灰一把共
搗碎泡煨熱縛臍上愈

治小便不通神効以皮硝填滿臍中上以槐皮蓋之
却以艾炙槐皮即通

頭痛門

都良丸 治頭風疼甚効

用白芷洗淨煉蜜為丸如彈子大每服以荆芥煎

湯調服若因虛頭疼以人參一兩川芎五錢煎湯服之甚妙

頭疼方

細茶

香附子

川芎各一錢

右用水一鍾煎至八分臨卧服下即止

菊花散

治風熱上攻頭痛不止

甘菊花

去梗

旋覆花

去梗

防風

去蘆

枳殼

麩炒

卷

活去蘆蔓荊子

石膏

甘草

炙已

錢上各一錢

半

止痛太陽丹

天南星

川芎

各等分

右為細末用連鬚葱白同搗爛作餅貼於太陽痛處

治頭痛方

右用水調草决明子末貼兩太陽穴効

治頭痛用皂莢為末吹入鼻中得嚏則止

治遠年近日一切偏正頭痛用蘿蔔取汁一規殼令病人仰卧右疼注左鼻左疼注右鼻左右皆疼兩鼻並注之

治偏頭疼絕妙用葦撥為末令患者口含水左邊疼令左鼻吸一字右邊疼令右鼻吸一字即効

治偏頭痛用葦麻子一兩去皮研爛貼痛處

腰痛門

治腰痛葦蘚杜仲枸杞根等分酒煮不拘時服

又方 治腰疼併或時閃腰 杜仲 破故紙 胡

桃仁各等分 右三味酒煎服立効

又方 用橙子核炒乾為細末三錢以白酒調服愈即

又方 用西瓜青為片陰乾為細末以薑酒調空心

服尤妙

腰痛立安散 杜仲去皮炒 橘核炒取仁各等分

右為末每服二錢入鹽少許食前溫酒調下

舒經湯 治臂痛不能舉有人常苦左臂痛或以為

酒飲或以為風為濕諸藥悉投繼以鍼灸俱不得

効用此方而愈蓋是氣血凝滯經絡不行所致非

風非濕腰以下食前服腰以上食後服

片薑黃

二錢如無則以嫩茂代之

赤芍藥

當歸

海桐皮

去粗皮白朮

已上各一歲半羌活

甘草各一錢

右作一服用水二鍾生薑三片煎至一鍾去滓磨沉香汁少許食前服

治積年腰痛兼閃剉腰痛用細白麵一塊如拳大燒令通赤好酒二大盃淬酒內便飲令盡仰臥少頃

脇痛門

治脇痛方

草豆蔻炒

枳殼炒

赤芍藥

砂仁

香附子

烏藥各等分

右用水二鍾煎一鍾

溫服

治脇下疼痛神效

小茴香

兩炒

枳殼

楚秋五錢

右為末每服二錢鹽湯調下

雜治門

凡人患小膀胱筋皆因兩腿感寒氣血不能融運筋不得養故致痿縮而轉也患此疾者不方寒暑先於未餐之時常以布與棉等裹煖小膀胱使血氣和暖流行則筋自不轉矣

凡人或盜汗不止用香白芷一味不拘多少為末將自已唾津調塗臍上

止

又方 用枯白礬一二

茶唾津調塞臍內以膏

藥封之卽止

凡人染時氣熱毒煩燥狂言用靛青一茶匙以新鮮井水調服効

又方 用十二月所收雪水服之愈

治虛勞用豬肚子釀黃糯米蒸搗為丸白湯下并治小兒疳疔黃病

又方 枸杞葉半斤細切粳米二合瓦器中煮作粥五味調和食之

又方 治骨蒸勞熱及五痔腸風下血傳尸勞氣并虫咬心痛用鰻鱧魚酒醋五味煮熟食之

治氣卒奔上呼吸有聲喘急欲死者用韭菜搗汁飲
治氣結心下不散用桃樹上不落乾桃子三兩為末
每服空心溫酒調二錢服

又方

治大渴用深椀大瓜萋根削去簾皮寸切以水浸
一日一換浸以細絹絞汁如作粉乾之服方寸七
日取出爛研以細絹絞汁如

日三四次入牛乳尤佳

治夜多小便用純糯米蒸糕一片臨卧令軟熱啖之
仍以溫酒下不飲酒湯下啖愈佳行坐良久待心
下空便睡一夜十餘行者當夜便止

治心羔狂惑用無灰酒二碗真磨油四兩共和勻楊
枝二十條逐一條攪一二百下換遍楊枝直假油
酒相和如膏煎至七分一碗狂者投灌之令熟睡
或吐或不吐覺來卽醒

治舌強腫起如豬胞以針刺舌下四邊大脉血出即
消効切勿刺着中央脉令人血不止則殺人或以
百草霜醋調付舌上下脫去再付須臾而消此患
人多不識失治則死凡舌腫舌下必有虫狀如螻
蛄卧蚕有頭有尾頭小白可燒鉄針烙頭上即消
治舌脹出口外用雄雞冠刺血以葢盛浸舌就嚥下

即縮

又方 治舌無故出血以炒槐花為末糝之愈

又方 用乳髮燒灰水調一錢服

新增治舌上出血如簪孔者用香薷一握濃煎汁服

之亦治心煩去熱

治口唇緊小難以開合不能飲食不治即死用白布作燈炷如指大安斧刃上燃燒令刀上汗出拭取付唇上日二三度或用舊青布燒灰以酒服或和豬脂塗付又以蛇殼燒灰付之又以蟻螬虫灰豬脂調付又燒乳髮蜂房六畜毛灰豬脂調付又馬

齒莧煮汁洗之

又方

治唇緊燥裂生瘡用橄欖不以多少燒灰豬

脂和塗患處

產門

治產一十八證

妊娠產後病難醫

我有良方付與伊

重羅大黃為細末

醋熬三遍作膏奇

紅花炒浸加美酒

蘇木煎湯世所稀

更加黑荳汁三碗

重復煎熬和藥飴

第一子死腹中

娠母因染熱病六七日間經傳

臟腑熱極以致子死母身墜在臍下不得分難命
在須臾急服回生冊三丸胎氣轉熱便生

第二產難

緣胎氣已成子食母血臨月足餘血成塊俗呼為
兒枕臨產時兒枕先破血裹其子故難產但服此
藥逐敗血斯須自生其橫生逆生胎衣不下等同
第三產後胎衣不下

母子分解既訖母受其產血入於衣中被血所脹
因此胎衣不下令人脹悶湯水不進急頓回生冊
三兩丸逐去衣中敗血自然下矣

第四產後血暈起止不得眼中見黑花

產後三日血氣未定還入五臟奔冲於肝醫人不識呼為暗風依此方治之即愈

第五產後口乾心悶

產後七日以來血氣未定緣三日後食麪麪與血結積聚在心是以煩渴醫人不識呼為胸膈壅悶但服此藥萬無一失

第六產後寒熱似瘧

產後虛羸血入於心肺則熱入脾胃則寒熱極反渴醫人不識呼為瘧疾誤損產婦不知其數宜依

此方急急救之

第七產後四肢浮腫

敗血走注五臟轉滿四肢停留回轉不得乃化為
浮腫遂敗四肢俱腫醫人不識呼為水腫水腫與
血腫不同水腫氣急而小便澀血腫氣滿而四肢
寒先服回生丹去敗血後服利水氣藥

第八產後血邪如鬼神顛狂言語無度

產後敗血熱氣冲心因物觸動所以心煩燥熱言
語顛狂醫人不識呼為風邪宜急服回生丹

第九產後失音不語

心有七孔三毛敗血冲心流入孔中被血所悶言
語不得醫人不識呼為脫陰脫陽失音雖是難治
無方下藥殊不審視娠婦經脉行與不行順與不
順令血氣妄行流入心孔却乃反為難治宜服此藥

第十產後瀉痢痛

娠婦未滿月誤食酸冷堅硬之物與血相搏流入
大腸不得化或瀉膿血或作汚刺不得安穩宜服此藥

第十一產後百節酸疼

生產娠婦百骨支節開張產後敗血流入諸處停
留日久結聚不散壅滯虛脹是以百節酸疼庸醫

不識呼為風溼下藥誤損娠

婦多矣但服回生三五服去其疑血即痊

第十二產後小腸尿血似鷄肝

娠婦月中將理失宜飲食不得應心兼以惱怒以致敗血流入小腸閉却水道是以小腸澀結似雞肝流入大腸遂使大便澀難醫人不識呼為五臟淋瀉傷損心肝以致瘀血成塊形似雞肝殊不知敗血入腸閉澀水穀等道

以致如此但服此藥三九必得全美而無差矣

第十三產後崩中

產後敗血惡露未止之間宜當服藥調五臟或食酸鹹之物寒熱不一因此榮衛不得調和以致宮

中便作崩漏形色如肝渾身潮熱背膊拘急胸中煩悶醫人不識察其情一槩云為崩下且婦又癸水將至暴下不止愆期過度故曰崩漏今娠婦血氣正行失於保養以此成疾但服回生三兩九止其病源萬不失一

第十四產後胸膈氣滿嘔逆不定

產後血停於脾胃食滿冲心心氣不平胸膈脹滿嘔吐過多醫人不識云謂翻胃且人不以穀氣為主胃口喜容受而不運動傷胃口而不容受飲饌故曰翻胃况娠婦血停於脾心氣相冲而為嘔逆

如何謂之翻胃但進回生卅二三九萬無一失

第十五產後咳嗽寒熱不定

產後不能忌口每食熱麩結痰為塊上喘咳嗽四

肢寒熱心悶口乾暍身煩燥睡多警體虛無力

經脉不來名曰血閉腹痛面赤因此難治變作瘡

蒸治須仔細若服回生卅無應縱有盧醫扁鵲

視亦不得久停於世

第十六產後喉中似蟬聲

血敗冲過於心轉入肺肺主氣

結成塊入於喉中聲似蟬鳴

血冲心氣與血并以為恠娘婦得止

病者十不救一回生卅一丸服卽愈

第十七產後面黃舌乾鼻中流血遍身色黧繞頂斑生
產後敗血五臟六腑皆滿流入肌膚敗血欲出走
流四肢熱結便生轉還不得固有此疾可畏可懼
婦患此證十無一二生活如服此劑必應痊愈
第十八產後便溢腰疼似角弓

娠婦百日之外方脫體今在月中七日以來食油
麵爽口之物以致煩熱不得安寧因循不肯用藥
調治兼百日内過傷房事或久病後坐卧當風取
其一時快樂不肯房中將息宜乎有此病也宜服

回生丹即愈

產後小便澀大便遲滯不通

血入房中誰更知

小便赤澀大便遲

作寒作熱常多汗

如醉如痴似遊絲

花發目前如碎錦

病纏心內似驚思

只消一服回生藥

莫是庸醫騙帛賞

產後胎前下血

妊娠始動願求醫

四物湯中賸理芪

艾葉阿膠兼熟地

川芎當歸白芷齊

香附更兼紫蘇葉

水煎一服便相宜

世人識得玄中妙

天婦和諧子嗣滋

婦人經水不通

婦人經脉猶地之溝渠也溝渠壅塞則水道不行
婦人氣閉則經脉不通切不可因循養病而喪軀
要當急服回生丹以疏通之保其天和遂其化生
美哉

不調榮衛服難行

氣脉相和經自勻

寒熱失宜勞不息

氣因生冷不相宜

千金瘦盡非今日

漸漸尅羸話語遲

我有回生通暢藥

一服能除萬種疑

室女經痼不通

室女經脉與婦人不同隱藏與胞絡漸入子宮至十三歲出見始知人道苟或喜怒寒濕失宜因此經痼不行痼者乾渴也宮中癸水不行猶地中之水陰陰而乾痼也室女身中亦就是也易曰天一生水地六成之要先服四物湯至三五劑使癸水生於宮中然後以回生丹引導疏通謂之水火既濟水火既濟如之何而不通哉勿信庸醫作癆瘵醫之

純陰何事月經迭

貪食酸鹹誤損人

飲食方飡風冷坐

血生血海凝宮

葦池不潤三焦熱

煙氣喉中腹悶疼

神功自有回生藥

一服皆通萬事亨

治胎前產後經行腹痛源流

大抵婦人凡遇經來而臍腹撮痛者蓋衝任二脉弱而血氣與小腸二經虛而受風便下之際血氣搏於風冷一氣相攻而痛但服回生丹無不效驗

回生丹方

當歸

川芎

香附子

玄胡索

蒼朮

蒲黃

白茯苓

桃仁膏

熟地黃

各一兩

牛膝

山茱萸

三稜 五靈脂 地榆 甘草 羌活 陳皮

芍藥 各五錢 白木 各三錢

烏藥 二兩五錢 良薑 四錢 木香 乳香 沒藥 各一錢

右照分兩為細末聽用 大黃膏和丸

大黃膏方

大黃 一斤為細末 蘇木 三兩 剉碎用河水五碗煎汁

紅花 二兩炒黃 蘇木 三兩 酒一大壺同煮三五滾去

黑豆 三升煮熟取汁 碗去豆不用 上用豆汁

右先將前大黃末下鍋內着好米醋三四碗攪勻熬成膏如此三遍次下紅花酒蘇木湯黑豆汁攪

開大黃膏入內又熬滾成膏取出盆內盛之將鍋
內焙乾為末與前同生丹藥末和勻却將大黃膏
調丸如彈子大不拘時服每服一九酒頓化

產後頭疼身熱有汗謂之傷風加桂皮末二分葱

薑湯服

產後頭疼身熱咳嗽無汗謂之傷寒加麻黃末三

分葱薑煎頓化服

產後咳嗽不止加人參三方五味子八粒蘇葉三

片煎酒頓藥連渣服

產後無乳加天花粉二分歸身三分川山甲二分

炙黃色為末同入酒內頓化藥不拘時服令乳母
乳奶千餘轉其乳如湧泉自出

治室女經痛不通加蓬朮三分赤芍藥末二分

~~黃末五分~~ 五天 不拘時服經水自然通矣

分治婦人月信尋常前後不一每服一九空心須

頓化服之忌生冷酸鹹之物

受癸水逆順調理源流祕說冊藥

先正嘗曰婦人以經信為主不調是榮衛不實也

血為榮氣盛則血行氣衰則血澀榮衛和通氣血

週流百病不生臟腑寒則血凝熱則血搏淫則血

順故治婦人先揆其心性和平故易治也若性物
披故難治也務要調理其心心氣不調則月經漸
滯或多或少或前或後孕育難成百病生焉謹按
神農本草細詳藥性以芎歸熟地香附黃芪白芍
烏藥黑豆為君肉桂黃芩秦椒白薑粉草三稜寄
奴牡丹蒲黃阿膠為臣陳皮沒藥石斛蓬朮為佐
防風木香貝母白朮赤石脂為使故名曰濟陰補
宮丹此藥滋養血氣調和陰陽密腠理實臟腑治
風除痼冷不可以藥分兩貴賤而有增減務要依
方製度細末煉蜜為丸如彈子大每服一九空心

細嚼鹽湯送下忌生冷死肉血塊之類合藥用淨
室中勿與婦人尋常無子者服一月有孕

人血瘕不孕源流

夫血凝者由冷熱不調飲食不節思慮不絕喜怒
不輟氣弱血虛觸冒風邪冷氣入於龍門邪氣入
於胞絡搏於氣血則使月水不利以致不通漸結
成塊又且月信未斷以令陰陽精氣內入經侯不
調內生積聚而為塊此終不孕也若因產而生瘕
塊按之而不陷推之而不移者臟氣已虛餘血未
盡風寒所乘而血凝結宜服濟陰補宮丹得其生

也

濟陰補宮丹方

川芎

三兩不
見火

當歸

三兩全
身細

熟地黃

三兩焙
乾

藥

四兩生

黃芪

阿膠

炒肉桂

炒一兩
粉草

錢

一兩五

黃芩

錢一兩五

秦椒

炒茴香

炒二兩
白薑

煨

一兩

黑豆

三升童便
夜分作九分
洗淨泡

一日三稜

煨一兩
陳

皮

一兩

蒲黃

篩淨一兩五錢

牡丹皮

去心

藥

另研

石斛

去根

蓬朮

煨白朮

貝母各一兩防

風

錢一兩五

赤石脂

醋煮木香

各五錢

香附子

去毛

半生半熟

右剉為粗末

片黑豆拌勻九

蒸九晒乾為細末煉蜜為丸如彈子大每服一九

空心細爵盞湯酒送

婦人產後崩疾暴下源流

夫帶下有二候未嫁之女月經祕下為驚而得或沐浴冷水或熱而扇之或以浴門當風此室女病帶之由也如有家之婦陰陽過多則胞胎受風邪乘虛而入胞胎觸冷遂成穢液也與血相兼連帶而下產後帶之由亡血失氣傷經動絡外邪襲肌體虛而冷氣與熱血相連故使液而下冷則多白熱則多赤冷熱相交赤白俱下宜服鶴頂丹以之

鶴頂冊方

當歸

半全身酒浸

黑附子

五錢

去龍骨

一兩

赤石

脂

一兩醋

湖艾

一兩醋

乾薑

一兩五錢

牡蠣

一兩三錢

右為細末醋糊為丸如桐子大赤石脂為衣每服

五十九食艾酸白梅湯送下

治產後腹痛神効七賢散方

桂心

芍藥

蒲黃

川芎

各三錢

玄胡索

五錢

當歸

一兩

麝香

五厘

右為細末每服二錢空心鹽湯送下益母草末酒

服神妙

治產前十八證烏金散方

熟地黄

蒲黃炒

當歸

乾薑

熟

水

桂心

去皮

芍藥

甘草各四兩

右為細末每服二錢好酒童便各半鍾煎八九沸

調服

治產經日不生者龜板

酒炒

五

甘草

二錢

五

乳香

燈

心去

為末酒調二錢服之

天方康糞乾濕各三錢薑湯服立効

治產橫逆生諸藥不効用艾炷灸右腳小指尖三壯

能順

一用竈心土細研一錢酒調服兒生出土仍存頂上
治娘婦心痛難忍用鹽少許刀上燒紅入酒內飲卽
住

治產難用蛇蛻殼泡水以浴產門無令人見自易

一用白草霜即錫煤白芷不見各一兩為末醋服二

錢產

一用枳橘穰陰乾臨產燒灰溫酒調服卽下

一用好蜜香油各一匙熱水調服心煩用冷水卽下

治產後血暈用壞漆器燒室內卽甦或打醋炭亦効

一治惡血川芎當歸二味水煎數沸入好酒少許每

固胎用熟地黃歸身尾人參白芍藥白朮川芎陳皮

甘草桑上羊兒藤

原註七葉園者未詳今用少加

薛荔有效

少加

黃連黃柏入糯米煎服

血虛者如宿砂加阿膠

紅苧與馬齒苋下胎甚妙臨產時煮食易產

惡露不盡小腹作疼用五靈脂香附為末醋丸甚者

加留尖桃仁

又方五靈脂為末神麩糊丸陳皮白朮煎湯下

凡婦人有胎忽然肚腹疼痛或胎動不安速將紅

棗十四枚火燒存性用葱白二枝同搗爛用好無

灰熱酒送下即止如無小棗可將大紅棗用六枚

安胎如聖冊

煮鯉魚一箇并湯食之治胎氣動甚效

追生仙方

赤草麻仁十枚屋內倒掛龍

三錢

右為末搗成丸如黃豆大每服七丸空心溫酒下
神效

難產方

用魚鰾三十燒過為末酒下橫者令直即下

治橫生方 木柘枝有刺者佳一握約長五七寸六

七莖切碎和生甘草五寸煎水服

治胎衣不下惡血湊心 其證心頭迷悶胎衣上逆

衝心須臾不治其母即亡

乾漆五錢為末 大附子一枚炮去皮臍為末

右用大黃末五錢酒醋熬乾入前二味為丸如梧
桐子大每服三十九淡醋湯下須臾又進二服胎
衣立下此藥可預先合下

又方用赤小豆一升炒過用水三升煮二升去豆取
汁溫服胎衣立下

又方用婦人自己手足指甲燒灰酒調一服須臾又
進一服更令有力婦人抱起將竹筒於心上趕下

妙

治孕婦逆生

其證孕婦欲產時遇腹痛不肯舒伸

行動多曲腰眠卧忍痛其兒在腹中不得轉動故脚先出謂之逆生須臾不救子母俱亡

烏蛇蛻

一條

蟬蛻

四

血餘胎髮一握

右各燒灰服二錢酒調下併進二服仰卧霎時兒順生

又方

用樗子仁七粒并井花水吞下

治產後眩暈生花不省人事截鹿角不拘多少燒

灰以酒調服即止

治產後血暈血迷

用多年陳荆芥穗燈烟上燎焦

黑存性每服三錢童便少煎酒調下極妙

束胎丸

治婦人妊娠七八個月恐胎氣展大難產用此扶

助母氣緊束兒胎

白朮三兩

陳皮二兩

忌

白茯苓七錢

條黃芩酒炒

夏一兩 冬半兩 春秋七錢

右為末粥糊丸梧桐子大每

服五六十丸米飲任下食前服

積殼丸

治婦人妊娠八九個月稟質肥厚胎氣壅隘服此

以寬和母氣令兒易產

商州枳殼炒 兩 麩皮

粉草 灸一兩半

香附 一兩炒

右為末每服二錢空心沸湯點服日三

一方加炒糯米同為末白湯點服令兒易產初生微黑百日肥白此為古方之冠若妊婦稍弱恐胎寒腹痛胎弱多驚於內可加當歸一兩木香半兩不見火則陽不致強陰不致弱二氣調和有益胎嗣

達生散

治婦人妊娠八九個月服此以扶正氣散滯氣妊
娠稍虛者得此尤佳

大腹皮 姜製白朮 白芍藥 當歸 各一錢 陳皮

人參 紫蘇莖葉 各五分 甘草 一錢半

右作一劑水煎服夏加黃芩或黃連五味子春加
川芎防風秋加澤瀉冬加宿砂或通加枳殼宿砂
胎動加苧根金銀上氣加紫蘇地黃性急加柴胡
多怒加黃芩食少加宿砂神麴渴加麥門冬黃芩
能食黃楊腦有痰加半夏黃芩

救生散

治妊娠婦稟受瘦怯不宜服枳殼散破氣之藥此
方安胎益氣令子繁小易產

人參 神麴炒 麥芽炒 阿子糊去 白木燻 橘紅炒
右六味各等分為細末每服三錢水一鍾煎至七
分空心食前溫服議者謂今時入月合進瘦胎易
產之藥多用枳殼散非為不是但妊婦肥實者可
也若本瘦怯不宜服此藥惟求生散安胎益氣令
子緊小無病易產最為穩當

育麟丸

治婦人臨產艱難及產後血塊未盡諸症

當歸 三錢 川芎 二錢 枳殼炒 錢 麩 香附炒 一錢 半 粉

草 七分 蘇葉 八分 陳皮 二錢 右為末加琥珀

末二錢蜜為丸如圓眼核大每服一丸臨產芎歸湯產後陳皮湯磨服

神寢丸

治姙婦臨產月日破滯氣瘦胎易產通明

乳香五錢另研商州枳殼炒兩錢

右為末煉蜜丸梧桐子大空心溫酒或米飲吞下
臨月用之度胎易產極効

三合濟生湯

以枳殼芎歸達生二方抽其精粹

而合成此湯臨產艱難一二日不下者服此自然
轉動下生

枳殼

二錢

錢焚香附

一錢

半

粉草七分

川芎二錢

當

歸三錢

蘇葉八分

大腹皮

姜汁洗一錢半

右用水二鍾煎至一鍾

待腰腹痛甚服之即產

催生丹

療產婦生理不順產育艱難或橫或逆大有神効

宜天醫日合

十二月兔腦

去膜如泥

研通

明乳香

一錢

研母丁香

一錢

為末

麝香

一字

研

右以乳麝丁香拌勻入兔

腦髓和丸鷄頭大陰乾油紙密封固臨產服一九

溫酒送下立產男左女右手中握藥出神驗

催生不傳遇仙方

治婦人坐草艱難

草麻子

十四顆

硃砂

雄黃各一錢

蛇蛻

一尺燉

右為細末粥糊丸彈子大臨產時先用川椒湯淋洗臍下納藥一丸臍中仍以蠟紙數重覆藥上軟帛拴繫產則急取藥去一丸可用三次

如聖膏

治證同前

用草麻子七粒去殼細研成膏塗腳心立產急洗藥去遲則腸出却以此膏塗頂上腸自縮入

一方用草麻子百粒雄黃末一錢同研用如前法

豬肝蜜酒法

治婦人胞水早行胎澁不下

豬肝 白蜜 醇酒各一升

右三味共煎至二升分作二三服不能服者隨多
少緩緩服之

奪命丹

治婦人血冷凝澁胎衣不下

大黃四錢

醋煎

黑附子

一錢泡去皮

牡丹皮四錢

乾漆

一錢炒

右為末以大黃膏同雞子白搗勻梧桐子大溫酒
急吞五七丸如未下再用後方

牛膝湯

治婦人生理不順用此滑利水道令兒

易產

牛膝

一錢酒洗

瞿麥

一錢

滑石

二錢當歸

酒洗 木通各一錢 葵菜子一錢 二分半如無用黃蜀

右剉分三服水二鍾煎至八分溫服須先合預備

治產後即眠致敗血衝心發暈欲死者即便扶起用
陳皮煎湯加些好醋服之愈

治難產將本年曆日前面簿殼有字并印在上者燒
灰白滾湯服即產

產難及胞衣不出即貝母七枚作末酒調下

治死胎難下者用麝香五分研末官桂二錢另研末
和勻作一次溫酒調服即下

治胎橫不下用牛糞和酒糟放在鉢內炒至極熱將

糞在臍上以布巾束之立下

產後暈絕半夏一兩為末冷水丸如大豆納鼻孔中
即愈此扁鵲法也

治孕婦咳嗽貝母去心麩炒令黃去麩為末研沙糖
拌勻丸如鷄頭大含化一丸神効

治婦人胎漏用葱一把濃煮汁飲之神効

治婦人胎漏下血手足厥冷欲死用生艾汁二盞牛
皮膠白蜜各二兩煎一盞半稍熱服之無生艾濃
煎乾艾一方加刮下青竹茹一大塊同煎効

治婦人因爭鬪或跌撲從高墜下或為重物所壓觸

動胎氣腹痛下血服此後覺胎動極熱胎氣已安
用縮砂不以多少於熨斗內炒令熱透去皮取仁
研為末每服二錢熱酒調下不飲酒煎鹽湯或米
飲下

又方用芎根一把洗淨生姜五片煎湯調粥服之

治孕婦心腹絞痛用棗子十四枚燒焦為末童便調
服之

治孕婦兒在腹中哭用多年空屋下鼠穴中土一塊
令孕婦嚙之即止

治婦人胎前產後赤白痢用敗龜板一箇醋炙黃搗

為末米飲調下

又方治懷胎下痢赤白絞痛者用鷄子一箇烏者尤妙筋頭開一竅子傾出清汁留黃在內黃丹一錢入前鷄子殼內打令勻再用紙厚裹黃土固濟火中煨取出焙乾為末每服二錢米飲調下一服愈者是男二服愈者是女試効

又方應急催生隨其便而用之用清油同蜜等分少許湯調頓服蜀葵子炒為末順流水溫暖調服亦下死胎好京墨新汲水濃磨服之墨水裹兒出効敗筆頭二箇燒灰以藕節研自然汁溫酒調下効

產婦坐草時取露傍草鞋一隻用鼻絡小耳繩燒
灰溫酒調服如得左足者是男右足者是女覆者
兒死側者兒驚自然理也似非切要之藥催生

驗

催生方

用百草霜滑石香白芷各一錢為末童便醋下或
當歸湯下或姜汁下効

治婦人子死腹口中屎臭舌青口出冷氣指甲青
用瓜蒌根為末逆流水調五錢服

又方治子死胎不下胞破不生此方累効治人幾萬
數用鬼臼不以多少黃色者去毛研為末細如粉

不用羅以十指撚之每服二錢用無灰酒一盞同煎至八分通口服立生如神

新增產後血崩不止香附子二兩炒蓮蓬殼五箇燒存性為末每服二錢空心米湯調下極効

治產後子腸出不能收者用枳殼去穰二兩煎湯温浸良久即入

產後惡物不絕腹痛者用姜黃末酒調方寸七日服三
治產後腹脹痛不可忍水煮鼠粘根為飲一服愈

婦人雜病門

治婦人患吹乳

物起腫痛未成濃者用生半夏

一箇為末將葱白半寸搗和為丸綿裹塞鼻一夜
即愈必湏左乳塞右鼻右乳塞左鼻驗

魏元君濟生丹

專治婦人女子赤白帶下等疾 以蕎麥麩不拘多
少用鷄子青為丸每服三五丸白湯送下
治婦人血崩不止諸藥不効服此立止

用甜杏仁上黃皮燒存性為細末每服三錢空心
熟酒調下

又方 用白礬飛過為末麩糊為丸如指頭頂大每
服一九黃酒送下

又方

香附子

童便浸三日

地膚子

即用禿掃帚也乾者炒

二若用生苗搗汁調和上

舊棕履底

用其舊者洗淨燒灰存性

右三味各等分為末以熱酒調服初覺血以漸而少由紫色而紅以至於無如血仍前不止加荷葉蒂焙乾為末和前藥用酒調服即止大抵此病原於心不可驟止之須以漸且調且止之後用前四物木苓香附方服甚好

又方

用香附炒焦黑研末酒下三錢三服即止

又方 治血崩垂死者

用草鞋鼻頭一雙每取三寸又用箬皮包乳髮俱燒灰存性用酒煎調服即甦而血亦止

又方

敗棕

燒灰五錢

五靈脂五

錢蓮蓬殼

燒灰五錢

香附子

兩

右為末醋糊為丸米飯湯送下或七丸或十九

枇杷葉丸

治婦人血崩經事失期或前或後能令有子極效

枇杷

葉

二斤

窠枸杞子半

斤山藥

一斤

山茱萸

半斤

吳茱萸一兩

右各為末煉蜜丸如梧桐子大每服七八十九清
米飲下

又方婦人血氣不行上氣衝心用絲瓜兒一個燒灰
空心酒調服

治婦人血崩用槐木耳燒灰為末每服二錢酒調下
治婦人血崩不止用槐花一兩棕花燒灰五錢水煎
入鹽少許空心服或以烏梅湯下

又方用蓮蓬殼燒灰存性酒服方寸七

治血崩不止用白匾豆花焙乾為末紫者不用炒米
煮飲入炒鹽少許空心數服即効

治血崩用野紅花取根洗淨研汁半盞以溫酒半盞相和服之立止

治婦人赤白帶下用好酒同艾葉不拘多少煮雞卵一箇熟空心只食雞卵

又方 治婦人赤白帶下用酸石榴五連枚搗汁每服半錢空心下

治婦人血風攻腦旋暈倒地不知人事用嫩蒼耳草不拘多少陰乾為末熱酒調服一錢效

治婦人臍燥悲傷欲哭象鬼神所附者用小麥一升甘草三兩大棗五兩每服一兩水一盞煎至一服

治婦人自哭自笑用紅棗燒存性水飲調下其効

治婦人乳癰用赤小豆三合酒研爛去滓溫服留粗付患處

又方 用皂莢刺燒灰和海蛤粉為末熱酒下搽散亦可

治婦人癰塊用小便服之每日溫酒服一盞至一十日血片下即瘥

治婦人血山崩用木耳一兩半生半炒為細末空心米飲調下只作一次服効

治血崩 貫衆一味秋冬挖得以銅刀切細將小

米泔煮滾一日一次浸七次晒乾為末空心醋酒
下一錢酒多醋少許

飲食門

黑沙糖與鯽魚同食生疳虫與笋同食成癥癖

鷄肉與韭菜同食生虫

豬肉與姜同食生風

豬羊肉與蕎麥同食發風熱

葱與蜜同食相反致疾

蟹與柿同食腹痛成瀉痢

莧菜與鼈同食生血鼈

鮮蓮肉帶青心食之多者令人致霍亂

糯米煮粥吃補陰益氣又能安治

黑豆煮汁飲能解烏藥附子毒

赤豆煮汁飲能令女人通乳

紫蘇能解螃蟹諸魚毒

早稻梗燒灰淋汁一碗冷服解砒霜毒

菜豆作枕能明目又治頭風痛

黃連汁能解巴豆毒

生姜汁能解半夏毒

扁豆能治霍亂轉筋吐瀉又解河豚毒

芝蔴嚼爛敷女人裙邊風瘡立効

厓角菜治小兒骨蒸癆熱散風熱邪氣

芫荽如小兒痘疹不出以酒研之噴在卧處即出

食鹽早間將來擦牙牙不出血并治牙蛀牙齦腫痛

醬內蛆用草烏五七個切碎撒入醬內自死

三月三日採桃花陰乾浸酒服之殺疰惡鬼令人好

顏色除水腫石淋利大小便下三蟲除百病

衣服門

油污衣服先將滑石研極細末摻在油污跡上又將

薄草紙蓋在滑石上用熨斗火慢慢隔紙熨之油

即去

又方 用末傾銀生礬為末河水調服油處晒乾無跡
墨污衣服用濕飯粘放墨跡上以手磋之將水洗去
再磋再洗墨跡即出

收藏毛褐羶皮衣帽等須要晒乾打淨待冷用紙
包花椒四散翼在衣內再用青布包緊不生蛀虫
或以苧麻鋪在箱內及放在衣服內尤妙

漆污衣服用香油磋洗以溫湯擺過又細研杏仁磋
之溫湯再洗二三次無跡

血污衣服即用水急洗之則去

瘡癩膿血汚衣用牛皮膠煎湯洗之即淨

蟹黃汚衣即用蟹殼內白腮條磋洗之即淨

雜事門

驗缸罈內有無換水用乾紙糲一箇捻緊入油罈底
放開少頃仍將紙糲寬寬捻出有水無水即見

允缸罈上有碎縫用鉄屑將醋調抹縫上鉄屑綉牢
卽不漏

治菜園生虫用死蠚拋糞坑內取其糞澆菜虫自滅
治酒酸用炒黑豆二升石灰二升量酒多少加減石
灰另炒黃乘熱傾入酒缸內一二日即轉好

治燭淋將鹽放在淋缺之處自止或以末淋之前四圍俱放此鹽燭自不淋矣

又方 如燭淋在這一邊將筋一隻倒轉遞過去橫放在不淋那一邊燭臺之上淋自止

治蒼蠅用梨蘆為末酒拌放盤碟內或洒在柳枝上蒼蠅食之即昏連落地令人去之如在內室以鷄啄之尤便

凡裱褙字畫加些蘿蔔汁在漿糊內即不瓦

凡裱書冊字畫用生礬末并花椒末黃蠟入漿糊內裱之虫鼠不侵

凡藏書畫將樟包放在內不生蠹魚

凡磚縫內生草用官桂為末鋪入磚縫中草自不生
凡大人小兒擡轎出路若遇面前簾內風來即將其
轎倒擡而行即不受風寒之患

凡人坐各處座船如遇船傍有坑厠房出糞水眼者
須防行李裝重之時橫風使蓬此眼內進水濕壞
行李等項宜塞之

凡人遇雷電之際切記不可仰睡恐觸天怒其露天
解手時切勿對日對月亦恐觸犯陰陽以致損壽也
黑鬚髮方取桑椹黑者一斤和科斗子一斤瓶盛

封閉懸屋東頭一百日化為黑泥染白髮如漆又
取二七枚和胡桃脂研如泥拔去白髮點孔中即
生黑

不饑方取南燭

南方謂之黑飯樹

莖葉搗碎漬汁浸粳米

九浸九蒸九暴米粒正黑袋盛之可適遠方日進
一合不飢

黑鬚方

用母丁香為末以生姜汁和拔去白鬚塗

孔中異常黑

又方用胡桃和胡粉為泥拔白髮髮以內孔中再黑

六畜門

治猫癩以栢油擦之再發再擦二三次除根

治狗虱用朝腦擦毛內以大桶或箱蓋之虱即墮地
急令人搯死之

治猫狗虱癩用柶樹葉搗爛遍擦其皮毛隔少時洗
去之一二次俱除

治鷄病以真麻油灌之愈

治鷄哮用白菜葉包鼠糞蘸香油搥之愈

治鷄瘟用猪肉切碎喂之愈

又方將雄黃為末拌飯喂之愈

治猪瘟用白蘿蔔連莖喂之愈

治狗咬用杏仁去皮尖搗爛塗之愈

治牛馬六畜因食水穀有傷并瘟疫用酒加些麝香末在內灌之神効

治牛馬疥癩用蕎麥梗燒灰存性淋水洗之愈
又方

用梨蘆為末水調塗愈

治風犬咬傷取人糞新拋者急塗之方免後患不然毒入人心即不可救切記切記

鶴病用蛇或鼠或大麥煮熟喂之愈

鹿病用鹽拌豆料喂之常喂莞豆則無病

煨灶猫專在灶裏及火邊睡者用豬腸或魚腸入
些硫黃在內煨熟喂之

衆妙仙方卷之三終